

KGORO YA THUTO YA GAUTENG
DITLHAHLOBO TŠA MAREMATLOU

SEPEDI LELEME LA GAE
MAEMO A GO LEKANELA
(Lephephe la Boraro)

NAKO: diiri tše 2

MEPUTSO: 80

DITAELO:

- Bala dipotšišo ka tlhokomelo gore o tle o kgone go fa dikarabo tša maleba.
 - Lephephe le le na le dikarolo tše THARO fela.
 - Mo go Karolo A kgetha potšišo e TEE fela.
 - Mo go Karolo B kgetha dipotšišo tše PEDI fela.
 - Mo go Karolo C kgetha potšišo, e TEE fela, yeo e ka tšwago go: ***Go tseba mang? goba go Moepathutse.***
 - Nomora dikarabo gore di sepelelane le dipotšišo.
-
-

KAROLO YA A
TAODIŠO

POTŠIŠO 1

Kgetha e TEE ya dihlogo tše di filwego. Ngwala taodišo ye e ka tlalago letlakala le TEE le SERIPA go ya go a MABEDI ka hlogo goba seswantšho se o se kgethilego.

- 1.1 Sehlogo sa tsunami
- 1.2 Morutiši yo a mpontšhitšego tsela
- 1.3 Madimabe ga a hlapše
- 1.4 Seo ke se ratago ka thuto ya matšatši a lehono.

- 1.5 Lebeledišiša seswantšho se se latelago o itlhamele hlogo ya maleba ka sona, gomme o re alele ka botlalo seo se go tlelago monaganong ge o bona tiragalo ye.



PALOMOKA YA KAROLO YA A: [30]

KAROLO YA B
DINGWALWANA

POTŠIŠO 2

Kgetha se TEE sa dingwalwa tše di latelago. Botelele bo be go ya ka dinyakwa tsa sona.

- 2.1 O ile moše wa mawatle gomme o sa le fao, motswadi wa gago a hlokofala. Ngwalela tatago **lengwalo** leo ka lona o hlalošago maikutlo le maemo a gago
- 2.2 O šoma femeng ye itšego. Bjale mabaka a go gapeletša gore o tlogele go šoma fao nako yona yeo. Ngwalela beng feme **lengwalo** o kgopele gore ba go lokolle o kgone go yo šoma mo gongwe.
- 2.3 O hlogo ya sekolo se se phagamego motseng wa geno. Ngwalela ba lekala la thuto **memorantamo** o ba lemoše ka bothata bjo bo tlišwago ke go tšea nako ga mmušo go fa dikolo dikgoba tša barutiši.

- 2.4 O morutwana yo a tšweletšego ka dihloro mphatong wa marematlou ngwaga wa go feta. Ngwala **polelo** yeo o tlogo efa moletlong wa baithuti ba marematlou o ba kgothatša le go ba bontšha gore wena o kgonne bjang go tšwelela ka tsela ye.

[15]

POTŠIŠO 3

Kgetha se TEE sa dingwalwana tše ,o ngwale ka sona go ya ka taelo ya potšišo.

- 3.1 O modulasetulo wa lekgotla la baithuti sekolong sa geno. Ngwala **tsebišo** yeo e lebanego badirišaniyawena o ba tsebiša ka ga kopano ya tšhoganetšo yeo o swanetšego go e swara le bona.
- 3.2 O lemogile tshwaro ye mpe ya bašomi yeo o e bonego khampaning ya geno. Ngwalela ba ofisi yeo e ba okametšego **e-mail** o ba lemoše ka taba ye.

[15]

PALOMOKA YA KAROLO YA B: 15+15=[30]

KAROLO YA C KANEGELOKOPANA

POTŠIŠO 4

Go tseba mang? – H.H.Ramokgopa

- 4.1 Badišiša ditsopolwa tše ka šedi gore o tle o kgone go araba dipotšišo tše di di latelago.

Setsopolwa A:

Setšhene Mampudi a lebelela Sekwala: "Diphahla tše ke tša mang? Wena o di tšere kae? O na le lebenkele? Kae?
Dipotšišo tše o tša tla motšitšitši mo Sekwala a ilego a se ke a kgona go araba le etee ya tšona. Mogopolo wa gagwe wa thalathala le seporo sa setimela sa go ya gagabo kwa mpong ya thaba tša leralleng, a bona mmagwe le kgaetšediagwe le batho ba motse wa gabu bao a sa ba gopolago. A makala gore na o tla ba a ba bonagape naa; le ge Setšhene a re o a mo swara, o išitše diatla tša gagwe a sa tsebe gore o dirang.

- 4.1.1 Hlaloša ka methaladi ye MERARO ka fao Sekwala a bego a hula Mna. Lombard ka gona. (3)
- 4.1.2 Ge o bona taba ye ya bohodu e ka thibelwa bjang? Efa dintlha tše THARO. (3)
- 4.1.3 **Monwana wa tlwaela go gora ke nkgopo.** Hlaloša ka methaladi ye MEBEDI gore seema se se swanelana bjang le ditiro tša Sekwala. (2)
- 4.1.4 Go ya ka wena kotlo yeo Sekwala a e filwego kgorong ya tsheko e be e mo swanetše? Efa lebaka. (2)

Setsopolwa B:

Masogana a gaPhala a mabedi a mafelelo le ona a tšea basadi. Mokgekolo a ba nyalela, eupša a bolela mantšu a go hlaba: “Ba tšeeng bana ba badiidi ba, ba tle ba je ka gore ka gabobona ba bolawa ke tla. Ge e le mo ba tla tla ba ikgonere ba se na se ba se swerego. A ba tle!”

Mantšu ao le ge MokgekoloMmaPhala a sa ka a bolela ditsebeng tša ngwetši tšeo tša gagwe, le ge a ile a folletša mohla ba gorogago, eupša banna ba bona ba ile ba ba botša ona mehleng yeo ya lerato la go fiša wa mollo. Bona ba bolela tše e rego ke metlae, eupša basadi ka gobane ba fela ba boloka ditabanatabana dipelongtša bona, le mantšu ao ba a boloka, ba fela ba gopotša bagatša ba bona.

- 4.1.5 O be o ka eletša bjang MmaPhala gore a phedišane le dingwetši tša gagwe gabotse? Efa dintlha tše THARO. (3)
- 4.1.6 Ke phošo efe yeo barwa ba Phala ba go e dira ge ba na le basadi ba bona? Hlaloša ka methaladi ye MEBEDI. (2)
- 4.1.7 Ka methaladi ye MERARO, hlaloša ka fao MmaPhala a hlokofetšego ka gona. (3)
- 4.1.8 Ge o bona barwa ba MmaPhala ba dirile gabotse ka go tlogela mmagobona? Efa lebaka. (2)
- [20]**

GOBA

- 4.2 Boloi bo kgatha tema pukung ya Ramokgopa. Fahlela kgopolo ye ka go sekaseka diteng tša **Ke hlakišwa ke pasa** o lebeletše bophelo bja Sofonea. **[20]**

POTŠIŠO 5

Moephathutse – S.A. Makopo

- 5.1 Araba dipotšišo go tšwa ditsopolweng tše di latelago:

Setsopolwa A:

Ge a feditše go ba laya a wela tsela ... šoleee! Ge Mokadiathola a ile, go bile go fetile matšatšinyana, basadi ba gagwe ba šala ba fela pelo ge bana ba ba llela ba kgopela go fulelwa dikenywa tša mohlare wola.

Ba lekile go obamela molao wa monna wa bona, fela ka tšatši le lengwe mongwe wa bona a ya go yo mongwe wa bagadikana ba gagwe are: “Aowa hle, Mosebjadi, re ka napa ra hlwa re llelwa ke bana dikenywa re di bona di budule ka mkgwa wo? Nna ke na le leano mabapi le dikenywa tše.”

- 5.1.1 Hlaloša ka methaladi ye MEBEDI gore go ile gwa direga eng morago ga ge ba lapa la Mokadiathola ba jele dienywa. (2)
- 5.1.2 Ge o be o le Mokadiathola o be o ka dirang ge ba motse wa gago ba tšetše molao wa gago? Efa dintlha tše THARO. (3)
- 5.1.3 A o bona Mokadiathola a rata lapa la gagwe? Fahlela ka methaladi ye MEBEDI. (2)

- 5.1.4 Efa leina la phoofolo yeo e bonego mahlomola ao a hlagilego ka ga Mokadiathola, o be o hlaloše ka fao e ilego ya thuša ka gona. (3)

Setsopolwa B:

“Thobela bagešong. Le na le mantšu a monate ruri. A ntlhakanya hlogo. Ke bile ke le kgopela gore le ntumelele gore ke le rute dikošana tše mmalwa gore le tle le di opele moketeng wo mogolo wo o tla swarelwago kua fasefase motseng wa dinkwe. Go kwala gore e tla be e se dij, e se dijo.”
Gape go ja go bose. Ditšhwene tša kwana le kgopolo ya phukubje

- 5.1.5 Efa leina la phoofolo yeo e bego e ruta ditšhwene dikoša, o be o hlaloše morero wa yona wa go dira seo. (3)
- 5.1.6 Batho gantši ba thakgatšwa ke go tsenya ba bangwe mathateng. Hlaloša kgopolo ye o lebeletše diteng tša setsopolwa se. (3)
- 5.1.7 Ge o be o le tšhwene o tsentšwe mathateng ao a sa go amego ke ye nngwe ya diphoofole, o be o tla dirang? Hlaloša ka methaladi ye MERARO. (3)
- 5.1.8 Setsopolwa se se tsopotšwe go tšwa nonwaneng efe? (1)
- [20]

GOBA

- 5.2 Sekaseka nonwane ye **Matheetšabohle o tshwenyegile** o lebeletše gore na mongwadi o atlegile go tšweletša dintlha tše:

- 5.2.1 Matseno: (4)
- 5.2.2 Molaetša: (4)
- 5.2.3 Baanegwa: (4)
- 5.2.4 Poeletšo ya diteng (4)
- 5.2.5 Mafetšo (4)

PALOMOKA YA KAROLO C: [20]

PALOMOKA: 80